

Simon, E. 1900. Descriptions d'arachnides nouveaux de la famille des Attidae. Ann. Soc. ent. Belg. 44: 388-389.

**Tomocyrra (2) decollata** sp. nov. — ♂. Long. 5-6 mill. — Cephalothorax altus, postice valde declivis, parte cephalica thoracica paulo longiore, valde inaequali et utrinque profunde depresso-excisa, fusco-rufescens, antice maculis ocularibus nigris latis, postice vitta media et utrinque vitta laterali lata dilutioribus notatus sed linea marginali exillima nigra cinctus, levis et fere glaber, parce et longe flavido-pilosus et linea media exili et abbreviata albo-pilosa notatus. Oculi antici maximi et inter se contigui, pilis brevibus, extus flavidis intus albis, cincti. Clypeus latissimus, leviter depressus, nudus. Abdomen angustum, postice acuminatum, fusco-testaceum, vitta media lata dilutiore notatum, fere glabrum sed supra lineis binis leviter sinuosis albo-pilosis decoratum. Chelæ sat longæ et latæ, antice deplanatæ et extus tenuiter carinatæ, fuscae, subtiliter coriaceae. Partes oris sternumque fusco-olivacea. Pedes fulvi, antici, praesertim metatarsis, obscuriores sed patellis tibiisque supra ad apicem minute albo-pilosis. Pedes 1<sup>i</sup> paris patella insigniter longa, tibia aculeis 2-2, metatarso prope basin aculeis longioribus binis subtus armatis. Pedes maxillares pallide lutei, albo-pilosi, longi et graciles; femore curvato; patella plus triplo longiore quam latiore; tibia patella fere aequalis vix gracilior, apophysi parva depressa obtusissima et subpellucida extus ad apicem armata; tarso anguste ovato, tibia vix longiore et vix latiore; bulbo simplici, ovato, stylo parvo apicali recurvo munito. — Madagascar: Antongil (Mocquers).

(2) **Tomocyrra** nov. gen. Ab *Astia* imprimis differt parte cephalica longiore utrinque profunde et acute emarginata, oculis parvis ser. 2æ prope laterales anticos et intus sitis, tibiis quatuor anticis aculeis 2-2, metatarsis aculeis longioribus subbasilaribus binis subtus tantum armatis. — Typus *T. decollata* E. Sim.